

## **Tavus**

Ja sam tavus – ašikane,  
ponosam sam na đerdane.  
Širim perje sa sto šara,  
svaka svaku razgovara.

*Moja draga hiti meni,  
jer sam tavus zaljubljeni.  
Sto mi suza lije, dr'ješi,  
pa se cijelom svijetu smiješim.*

Iz dragine uzeh ruke,  
Narukvice za zaruke.  
Zakitih se njenim cvijećem,  
zato 'vako stalno šećem.

*Moja draga...*

Pogledaj u moje oči,  
pa ćeš vidjet' šta natočih,  
u svoj ibrik što ga lijevam,  
danonoćno, dna mu nema.

*Moja draga...*

Zbog zaruka sav se stresam,  
vežem zemlju i nebesa.  
Dugo šutim, osluškujem,  
a kad kriknem svak me čuje.

*Moja draga...*